

四庫全書

子部

欽定四庫全書

子部

古今律歷考卷九

詳校官欽天監博士臣張天樞

靈臺郎臣倪廷梅覆勘

總校官知縣臣楊懋珩

校對官臣靈臺郎臣陳際新

謄錄監生臣許溶

欽定四庫全書

古今律歷考卷九

明 邢雲路 撰

歷代一

歷代考

皇帝紀

太昊伏羲氏繼天而王為百王先首德始於木故為帝
太昊作罔罟以田漁取義牲故號庖犧氏作五運二十
四氣以支干配十二辰六甲而天道周矣作荒樂歌扶

俸詠罔咎以鎮天下之人命曰立基斷桐為琴繩絲為絃絃二十有七命曰離徽以合天人之和絙桑為三十六絃之瑟以修身理性反其天真而樂音自是興焉

乾鑿度曰上古聖庖犧氏頤乾道浩大以天門為名乾訓健壯健不息日行一度鑿者開也聖人鑿開天路斷氣為二緣物成三天地之道不漂輪薄不息以啟三光

變文為字變氣為易畫卦為象象成設位三

古文三
天字三
古

地三
風三
山三
水三
火三
雷三
澤
字乾為天門坤為人門

巽為風門亦為地戶艮為鬼冥門庖犧氏畫四象立四

隅以定羣物發生門而後立四正四正者定氣

即分至四正氣

一日月出沒二陰陽交爭三天地德四正月坎水日

離火雷震木日月出入門日出震月入於震澤金兌

日月往來門月出澤日入於澤天數二十五地數三十

天地合和數五十五所用法古四十九六而不用驅之

六虛坤鑿度曰制靈經曰天有九道

日月經歷之道

坤有四冥

象化氣成乾坤在道日月相將

山墳伏羲皇榮辭皇曰命子英居我潛龍之位主我陰陽甲歷咨於四方潛龍是英氏進歷於君歷起甲寅皇乃鳩衆升傳教臺咨告於民俾知甲歷日月歲時自茲始炎帝神農氏以火承木故為炎帝教民耕農故號神農氏分八節以始農功作樂名扶持亦名下謀

氣墳神農氏政典皇曰正天時時正惟四亂時不植氣正惟和氣亂作癘嗟爾有官咸若我辭黃帝有熊氏以土承火故為土德始垂衣裳有軒冕之服故號軒轅氏

黃帝創受河圖設靈臺使羲和占日常儀占月鬼史藍
占星伶倫造律呂大撓作甲子隸首作算數容成綜此
六術以考氣運定納音天以六節地以五制司天氣者
六期為備終地紀者五歲為周五六合者三十歲七百
二十氣為一紀六十歲千四百四十為一周於是有天
地神祇物類之官是謂五官各司其序作蓋天以象天
形起消息察發斂以作調歷歲紀甲寅日起甲子是歲
巳酉朔旦日南至而獲神策寶鼎焉乃迎日推策造十

六神歷置閏設節時惠而辰從律度量衡由是而成民以是能有信神以是能有明德民神異業敬而不瀆故神降之嘉生民以物享災禍不生所求不匱命伶倫自大夏之西昆侖之陰取竹於嶰谿之谷以生空竅厚勻者斷兩節間吹之以為黃鐘之宮制十二筩以聽鳳凰之鳴其雄鳴六雌鳴亦六生六律六呂半之為清聲倍之為緩聲三分損益還相為宮以配十二月以立宮商角徵羽之聲作五鐘青曰大音赤曰重心黃曰灑池黑

曰隱常白曰景鐘作咸池之樂以張於洞庭之野言其

德象池水周遍也

唐至德二年洞庭側有穿地得古鐘有古篆文黃帝時樂器

形墳軒轅氏政典皇曰岐伯天師爾司日月星辰陰陽
厯數爾正爾考無有差貸先時者殺不及時者殺爾惟
戒哉

少昊金天氏承土以金德王故號金天氏鳳鳥適至因
以鳥紀官鳳鳥氏為厯正玄鳥氏司分伯趙氏司至青
鳥氏司啓丹鳥氏司閉作大淵之樂以諧神人和上下

顓頊高陽氏承金以水德王以少昊之四子重為木正
日勾芒該為金正日蓐收修熙皆代為水正日玄冥又
以炎帝之子勾龍為土正而帝之孫黎為火正日祝融
分治五方是為五官因少昊氏衰九黎亂德家為巫史
民瀆於祀乃命南正重勾芒司天以屬神北正黎祝融
司地以屬民使復舊常無相侵瀆是謂絕地天通始為
儀制驗其盈虛升降制歷正以孟春是歲正月己丑朔
旦立春五星會於營室是為歷宗命飛龍氏會八風之

音作承靈之樂名曰六莖莖根也謂澤及根莖也

帝嚳高辛氏承水以木德王式序三辰命咸黑作六英之樂六英言天地四時之英華也歷日月而迎送之

帝堯陶唐氏承木以火德王因三苗服九黎之德二官咸廢厥職閏餘乖次孟陬殄滅攝提無紀歷數失序乃復育重黎之後羲氏和氏命作渾儀歷象日月星辰置閏成歲敬授人時名晷曰載年者禪舜曰天之歷數在爾躬舜攝政在璿璣玉衡以齊七政取北斗第二星名

璇第三星名璣第五星名衡之義即堯渾儀王蕃云渾
天儀者羲和之舊器也協時月正日同律度量衡俱詳
見尚書考中

堯命夔作大章之樂大章章之也謂帝德顯暴也重黎
欲益求人舜曰一夔足矣舜造五絃琴歌南風之詩九
叙惟歌作箭韶九成之樂韶之言韶謂繼紹唐堯也

是時十日並出堯使羿繳大風於青邱之澤上射十日
此淮南子妄誕之言也羿人耳安能射日然天有數日

則有之歷代日有三或數者每書之史冊皆其日光之映非真日也然旋復其常仍一日耳何也即歷數之推千歲日躔的有定度以斯知日之無二也

帝舜有虞氏承堯以土德王讓天下於禹

三王紀

伯禹夏后氏承舜以金德王改載曰歲顓頊以來堯舜皆用寅正禹因之故稱夏后氏得人統孔子曰我欲觀夏道吾得夏時焉鄭康成云夏四時之書也其書存者

有小正大戴禮有夏小正一篇蓋戴德取以為正也其時正令善後世遵用之大禹聲為律以五音聽治作大夏樂夏天也言能大堯舜之德也

仲康時辰弗集於房詳見尚書考中

成湯革夏命承夏以水德王號曰商亦曰殷以建丑之月為歲首得地統改歲為祀作殷歷然殷雖改正其編年紀事則仍用夏時禱於桑林而雨歲則大熟作桑林之樂名大護護之言救謂去虐救民也

周武王承殷以木德王因紂作淫樂喪其甲子誅之乃以建子之月為歲首得天統改祀為年作周歷周建子則以子月為正月不用夏時矣吹律聽聲作大武樂象武功也周公作魯歷

傳曰火出於夏為三月於商為四月於周為五月蓋夏建寅三月而火出於辰五月而火中於午七月而火流於申十月而火伏於亥商周以次推之是矣然火出之候昔時則然而後不然也天星漸移歷周歲火皆可居

則歲差易之非一定矣

六歷者黃帝調歷顓帝歷夏歷殷歷周歷魯歷是為六
歷後歷代十一更年五千加以太初三統歷為七歷漢
末集七歷以考春秋夏周歷與漢藝文志所記不同故
更名真夏歷真周歷夫既曰真則必有偽杜預作長歷
謂周衰世亂學者莫得其真所傳古歷未必是時王之
術也預以長歷驗春秋日食之數而知三統之最疎蓋
春秋日食三十六以三統推之止得一食之數姜岌又

併夏歷真夏歷周歷真周歷得三十四食之數其真夏
歷真周歷止得一食之數與三統歷同豈其真者反不及
非真者歟爰以七歷考古今交會信無其驗皆由斗分疎
之所致宋書議周漢之際疇人喪業曲技競設圖緯實繁
或借帝王以崇其大或假名聖賢以神其說是以讖記多
虛桓譚知其矯妄古歷舛雜杜預疑其非真按五紀論黃
帝歷有四法顓頊夏周並有二術詭異紛然孰識其正顓
頊歷元在乙卯而命歷序云在甲寅夏歷七曜西行特違

衆法漢人以為後人所造殷歷日法九百四十而乾鑿度云殷歷以八十一為日法春秋書日食朔二十六其所據歷非周則魯以周歷檢之失二十五魯歷檢之失十三諸凡如此是尚可以為歷也乎大都六家之歷率皆六國及秦時漢初人所造六術斗分並同四分四分之法其分太多率皆後天以步朔日或差二日三日上不可檢於春秋下不驗於漢魏其非三代以前之歷明甚及考四分之法終漢之世皆同或者漢人欲實已四分之真故假作六歷

以古附今未可知也不然豈有帝王制歷而一槩疎闊至此耶

漢書稱武王元年一月戊午師渡于孟津明日己未冬至至庚申二月朔日也四日癸亥夜陳五日甲子昧爽而合以授時推武王元年己卯歲距元至元辛巳二千四百二年中積八十七萬七千三百一十八日二十四刻九十八分天正冬至五十六日八十一刻得庚申日戌初一刻冬至一月子月定朔二十九日九十四刻癸

己日亥時合朔以步至二月丑月定朔五十九日五十
七刻癸亥日未時合朔則二月一日癸亥二日甲子也
以是知武王於一月二十六日戊午渡孟津二十七日
己未二十八日庚申冬至大盡二月一日癸亥至商郊
二日甲子伐商非己未冬至亦非二月庚申朔也蓋漢
歷斗分太多故推冬至差一日推朔差三日

考太公六韜太公告武王曰律管十二其音有五宮商
角徵羽也以天清淨無陰雲風雨夜半遣輕騎往至敵

人之壘去九百步外徧持律管當耳大呼驚之有聲應
管其來甚微角聲應管當以白虎徵聲應管當以玄武
商聲應管當以朱雀羽聲應管當以勾陳五管聲盡不
應者宮也當以青龍此五行之符佐勝之徵也微妙之
音皆有外候敵人驚動則聽之聞枹鼓之音者角也見
火光者徵也聞金鐵矛戟之音者商也聞人嘯呼之音
者羽也寂寞無聞者宮也此五音者聲色之符也由是
觀之律音通於兵法

周禮馮相氏掌十有二歲十有二月十有二辰十日二十有八星之位辨其叙事以會天位冬夏致日春秋致月以辨四時之叙保章氏掌天星以志星辰日月之變動以觀天下之遷辨其吉凶以星土辨九州之地所封封域皆有分星以觀妖祥以十有二歲之相觀天下之妖祥以五雲之物辨吉凶水旱降豐荒之祲象以十有二風察天地之和命乖別之妖祥凡此五物者以詔救政訪序事

大司樂掌成均之灋以治建國之學政而合國之子弟
焉凡有道者有德者使教焉以樂德教國子中和祗庸
孝友以樂語教國子興道諷誦言語以樂舞教國子舞
雲門大卷大咸大磬大夏大濩大武以六律六同五聲
八音六舞大合樂以致鬼神示以和邦國以諧萬民以
安賓客以悅遠人以作動物乃分樂而序之以祭以享
以祀乃奏黃鍾歌大呂舞雲門以祀天神乃奏太簇歌
應鍾舞咸池以祭地示乃奏姑洗歌南呂舞大磬以祀

四望乃奏蕤賓歌。函鍾舞大夏以祭山川。乃奏夷則歌。小呂舞大濩以享先妣。乃奏無射歌。夾鍾舞大武以享先祖。凡六樂者。文之以五聲。播之以八音。凡六樂者。一變而致羽物及山川之示。再變而致羸物及山林之示。三變而致鱗物及邱陵之示。四變而致毛物及墳衍之示。五變而致介物及土示。六變而致象物及天神。凡樂。圜鍾為宮。黃鍾為角。太簇為徵。姑洗為羽。雷鼓。雷鼗。孤竹之管。雲和之琴。瑟。雲門之舞。冬日至於地上之圜邱奏之。

若樂六變則天神皆降可得而禮矣凡樂函鍾為宮太
簇為角姑洗為徵南呂為羽靈鼓靈鼗孫竹之管空桑
之琴瑟咸池之舞夏日至於澤中之方邱奏之若樂八
變則地示皆出可得而禮矣凡樂黃鍾為宮大呂為角
太簇為徵應鍾為羽路鼓路鼓陰竹之管龍門之琴瑟
九德之歌九磬之舞於宗廟中奏之若樂九變則人鬼
可得而禮矣

周公攝政四年以上圭之灋測土深正日景以求地中

日南則景短多暑日北則景長多寒日東則景夕多風
日西則景朝多陰日至之景尺有五寸謂之地中天地
之所合也四時之所交也風雨之所會也陰陽之所和
也然則百物阜安乃建王國焉制其畿方千里而封樹
之此就四方測景以求地中也南近日則景短而暑北
遠日則景長而寒東近海故景夕多風西近山故景朝
多陰故必求南北之中而復求東西之中然後當東西
南北各九十一度之中春秋分晝夜各五十刻夏至日

在嵩高之南十二度南戴日下表南表北皆無景在今之交廣周公於洛陽天地之中立八尺之表以測夏至日景尺有五寸測冬至日景一丈三尺有奇乃建王國於中故曰南望三塗北望嶽鄙顧瞻有河粵瞻洛伊是也後之測日景者取則焉

漢書稱武王即位十一年周公攝政五年正月丁巳朔旦冬至殷歷以為六年戊午以授時推周公攝政五年乃六年庚寅歲前天正距元至元辛巳二千三百九十

一年中積八十七萬三千三百日三十一刻六十八分
天正冬至五十四日七十四刻四十三分得戊午日未
初三刻冬至日躔牛宿四度為是殷厯謂六年前天正
戊午冬至同漢厯推丁巳亦猶推武王元年冬至之先
天一日也若以大統推是年甲子卯初三刻冬至日躔
女三度則相差六其日在天違六度餘失益遠矣

按國語號公告周宣王曰饗祥晨正日月底於天廟註
饗祥房星晨正謂立春之日晨中於午位也饗事之候

故曰饗祥底至也天廟營室謂孟春之月日月會於營室也考孟春饗祥晨正日月會於營室周宣時則然久之天日漸移十二月皆可饗祥辰正日月皆可會於營室非一定也如今萬厯年間孟春日月會於尾昏畢中旦房中去周宣一千五百餘年退天二十六度有奇矣

周幽王六年十月之交日食詳見詩經考中春秋日食三十六并厯數俱詳見春秋考中

單子過陳歸告周定王曰辰角見而雨畢天根見而水涸本見而草木節解駟見而隕霜火見而清風戒寒故先王之教曰雨畢而除道水涸而成梁草木節解而備藏隕霜而冬裘具清風至而修城郭宮室故夏令曰九月除道十月成梁其時儼曰營室之中土功其始今陳國火朝覲矣而道路若塞是廢先王之教也其能久乎九年楚子入陳註辰角角星建戌之初朝見東方寒露節雨氣畢也天根氐亢之間也雨畢後五日天根朝

見秋水始涸本氐也寒露後十日氐見草木之枝節皆理
解也天駟房星建戌之中房見霜始降火星火見霜降
之後清風至所以戒人為寒備也故九月雨畢而除道十
月水涸而成梁季秋節解農事備藏將冬隕霜冬裘具火
見之後建亥之初修城郭宮室建亥小雪之中營室定
星昏正於午土功乃興今陳國十月心星辰見於晨而
道弗不可行是廢先王之教也考時至事起若單子所
云諸令惟周宣時為然久之各異與上舉祥晨正日月

底於天廟同

景王將鑄無射問律於泠州鳩對曰律所以立均出度

也

均均鐘木長七尺有弦繫之以均鐘度鐘大小清濁也

古之神瞽考中聲而量

之以制

神瞽古樂正知天道者死而為樂祖祭於瞽宗謂之神瞽

度律均鐘百官軌

儀

度律呂之長短以平其鐘立百事之道法故律度量衡於是乎生

紀之以三

天地人

平之以六

六律成於十二律呂

天之道也

天之大數不過十二

夫六

中之色也故名之曰黃鐘

十一月曰黃鐘乾初九也六者天地之中天有六母地有

五子十一而天地畢矣而六為中黃鐘管長九寸九之為八十一故黃鐘之數立焉黃中之色也鐘之言陽氣

鐘聚於下也 所以宣養六氣九德也

六氣陰陽風雨晦明九德水火金木土穀正德

利用厚生十一月陽復於下物始萌於五聲為宮舍元處中所以徧養六氣九德

由是第之也

二曰太族所以金奏贊陽出滯也

正月曰太族乾九二也管長八寸太族言

陽氣太族達於上也太族正聲為商金奏佐陽發出滯伏也

三曰姑洗所以脩潔百

物考神納賓也

三月曰姑洗乾九三也管長七寸一分姑潔洗濯考合也於正聲為角是月百

物脩潔故用之宗廟合致

四曰蕤賓所以安靖神人獻

酬交酢也

五月曰蕤賓乾九四也管長六寸三分蕤委蕤柔貌言陰氣委蕤於下陽氣盛長於上有

似賓主故用宗廟賓客以安靜神人行酬酢也酬勸酢報也

五曰夷則所以詠歌九

則平民無貳也

七月曰夷則乾九五也管長五寸六分

可以詠歌九功之則

六曰無射所以宣布哲人之令德

示民軌儀也

九月曰無射乾上九也管長四寸八分宣

見者故可以徧布前

為之六間以揚沈伏而黜散越也

六間六呂在陽律之間沈滯越揚也呂陰呂所以元間

大呂助宣物也

十二月曰大呂坤六四也管長八寸四

助陽宣物也天氣始於黃鐘萌而赤地

二間夾鐘出四

隙之細也

二月曰夾鐘坤六五也管長七寸四分隙間

始生故夾鐘出四時之微氣

三間中呂宣中氣也

四月曰中呂坤上六也管長六寸六

分陽氣起于中至四月宣散於外純乾用事故曰正月正月正陽之月也

四間林鐘和展百

事俾莫不任肅純恪也

六月曰林鐘坤初六也管長六寸林衆鐘聚也於正聲為徵展

審肅速純大恪敬也言時務和審莫不任其職事速其功大敬其職也

五間南呂贊陽秀

也

八月曰南呂坤六二也管長五寸三分於正聲為羽南任也陰任陽事助陽秀發

六間應鐘

均利器用俾應復也

十月曰應鐘坤六三也管長四寸七分應陰應陽用事萬物鐘聚均

利百官器用皆應其禮復其常也

律呂不易無姦物也故先王貴之王

曰七律者何

周有七音黃鐘為宮太簇為商姑洗為角林鐘為徵南呂為羽應鐘為變宮蕤賓為

變對曰昔武王伐殷歲在鶉火

鶉火周分野武王伐殷東行時殷之十一月戊

子於夏為十月是時歲星在張張鶉火也

月在天駟

天駟房星也謂戊子日月宿房

日在析

木之津

津天漢也析木其間為漢津謂戊子日日宿箕

辰在斗柄

辰日月之會斗柄斗前也

謂戊子後五日得周正月癸巳朔於殷為十二月夏為十一月是日月合辰斗柄前

星在天龜

星也天龜次名一曰玄枵為天龜謂周正月朔辰星在須女伏天龜之首武王發行二十六日戊午渡孟津距

戊子三十一日二十八日庚申冬至二月一日癸亥二日甲子伐商

星與日辰之位皆在

北維

星辰星辰在須女日在析木辰在斗柄皆在北維北維北方水位也

顓頊之所建

也帝嚳受之

顓頊帝嚳所代也帝嚳周之先祖后稷所出也顓頊水德之王立於北方帝嚳木德

敬受之於水今周亦未德當受我姬氏出自天龜周姬氏

大龜即玄枵齊之分野也周之皇妣王季之母大姜者

逢伯陵之後齊女也故言出於天龜又曰有星出於須

女姜氏任氏及析木者有建星及牽牛焉析木日辰所

實守其祀牛前謂從辰星所在須女天龜之首至析木則我皇妣

之分歷建星及牽牛皆水宿言得水類也

大姜之姪伯陵之後逢公之所馮神也皇居也生曰母

王之妃王季之母姜女也女子謂昆弟之子男女皆曰

姪伯陵大姜之祖有逢伯陵也逢公伯陵之後大姜之

姪殷之諸侯封於齊地齊地屬天龜故祀天龜死而配

食為其神主故云馮馮依也言天龜乃皇妣家之所馮

依非但合於水歲之所在則我有周之分野也歲星在

火周之分野歲星月之所在辰馬農祥也辰馬謂房心星也心星所

在大辰之次為天駟馬也故曰辰馬言月在房合於農神也祥猶象也房星晨正而農氏起故謂之農祥

我太祖后稷之所經緯也稷播百穀故農祥后稷之所經緯也晉語曰辰以成善后

稷是王欲合是五位三所而用之五位歲月日星辰也三所逢公所馮神周

分野所在后自鶉及駟七列也鶉鶉火之分駟天駟在房歲月之所在從張至

房七列合七宿謂張南北之揆七同也七同合七律也揆度也歲在鶉

翼軫角亢氐房之位火午辰星在天龍子鶉火周分野天龍及辰水星周所出自午至子其度七同也凡神人以數

合之以聲昭之凡合神人之樂以數合之謂取其七以聲昭之用律調音數合聲和

然後可同也

人同謂神相應

故以七同其數而以律和其聲於

是乎有七律

七同其數謂七列七同七律也律和其聲律有陰陽正變之聲

王以二月

癸亥夜陳未畢而雨

二月一日癸亥至牧野夜陳師未畢而雨

以夷則之上

宮畢之

以夷則為宮聲以聽軍聲陽氣在上故曰上宮

當辰辰在戌上故長夷

則之上宮名之曰羽

長謂先用之也辰時也辰日月之會斗柄也當初陳之時周二月昏

斗建丑而斗柄在戌上下臨其時名其樂為羽羽翼其衆也

所以藩屏民則也

羽之義取

藩蔽民使中法則

王以黃鐘之下宮布戎於牧之野

夜陳之晨旦甲子昧

爽黃鐘在下故曰下宮

故謂之厲所以厲六師也

名北樂為厲所以厲六軍之衆

也以大族之下宮布令於商昭顯文德底紂之多臯

文

王也底致也既殺紂入商之都發號施令以昭明文王之德致紂之多臯太族所以贊陽出滯蓋謂釋箕子囚散鹿臺之財發鉅橋之粟故謂之宣所以宣三王之德也太族在下故曰下宮

也

三王大王王季文王

反及羸內以無射之上宮布憲施舍於百

姓

羸內地名憲法也施施惠舍舍臯也無射所以宣布哲人之令德示民軌儀無射在上故曰上宮故

謂之羸亂所以優柔容民也

亂治也

伐商之歲日月辰所

在亦惟其時則然久亦各異與農祥晨正同

晉文公在翟十二年行過五鹿乞食於野人野人舉塊

以與之公怒將鞭之子犯曰天賜也民以土服又何求

焉天事必象十有二年必獲此土歲在壽星及鶉尾其

有此土乎

歲在壽星謂得塊之歲魯僖十六年後十一年歲在鶉尾必有此五鹿地魯僖二十七年

歲在鶉尾二十八年歲復在壽星晉文公伐衛

天以命矣復於壽星必獲諸侯

歲復在壽星謂魯僖二十八年是歲四月文公敗楚師合諸侯於踐土五月獻俘於王王策命為侯

天之

道也

天之大數不過十二

董因迎晉文公於河公問焉曰吾其濟乎對曰歲在大

梁將集天行元年始受實沈之星也

歲在大梁謂魯僖二十三年言公得

成天道也公以辰出晉祖唐叔所以封也而以參入晉星也元年謂文公即位之年魯僖二十四年歲星去大梁在實沈之次

實沈之虛晉人是居所以興也今君當受受於大梁也

之無不濟矣君之行也歲在大火大火關伯之星也是

謂大辰

君行謂魯僖五年重耳出奔時歲在大火大火大辰也晉唐叔封時歲在大火

且以辰

出而以參入皆晉祥也

參在實沈

而天之大紀也濟且秉成

必霸諸侯

關尹子七釜篇曰人之一呼一吸日行四十萬里非也

周天三百六十五度有奇每度千餘里此歷代以表之

勾股測天所得者乃謂一呼吸日行四十萬里乎或謂
關令尹喜所撰九篇為人所假托者誠然

王充論衡言魯襄公與韓戰戰酣日暮公援戈而揮之
日為之反三舍又言燕太子丹朝於秦不得去從秦王
求歸秦王執留之與之誓曰使日再中乃得歸當此之
時天地祐之日為再中此言皆虛也日度運行數有一
定雖聖神不能挽之魯襄燕丹豈能揮挽或謂王充論
衡八十五篇二十餘萬言鄙誕者多誠然

列子曰共工氏與顓頊氏爭為帝怒觸不周山天柱折地維缺故天傾西北日月星辰就焉地不滿東南百川水潦歸焉女媧氏煉五色石以補天荒唐無稽之言不足辯也

列子湯問篇云孔子東遊見二小兒辯鬪問其故一小兒曰我以日始出時去人近而日中時遠也一小兒曰我以日出時遠而日中時近一小兒曰日初出時大如車蓋及日中時如盤盂此不為遠者小而近者大乎一小

兒曰日初出滄滄涼涼及其中如探湯此不為近者熱而遠者涼乎孔子不能決兩小兒笑曰孰謂汝多知乎此列子寓言淺之乎其為見也豈以孔子而不能辯此耶夫日初出大海氣之映也與日入同日中之小則精光四散若見其小也猶人之視燭遠見大而近見小者然若日初出涼者日方自地出熱未盛也日中氣熾而熱至日昃更燠則熱之積也何異之與有以渾儀測之日徑一度周天三百六十五度有奇以四分之得九十

一度有奇是日徑一度無大小也以春秋分之中論日去地九十一度有奇日中午與出卯沒酉皆同無遠近也此璣衡可窺之數以步氣朔萬世不易者列子不知天數而鑿空妄言以誣宣聖其與叔孫武叔毀仲尼之日月何殊

楚辭曰攝提貞于孟陬兮惟庚寅吾以降言斗柄指寅為正月也鶡冠子亦云斗柄東指天下皆春斗柄南指天下皆夏斗柄西指天下皆秋斗柄北指天下皆冬柄

運於上事立於下此聖人究道之情究道之法也殊不知正月指寅周時則然而後亦各異矣

前漢天文志謂古歷五星之推亡逆行者至甘氏石氏經以熒惑太白為有逆行夫歷者正行也古人有言天下太平五星循度亡有逆行日不食朔月不食望立八尺之表夏至景長尺五寸八分冬至景長丈三尺一寸四分春秋分景長七尺三寸六分若南北失節晷過而長為常寒退而短為常燠一曰晷長為旱奢為扶扶者

邪臣進而正臣疎鄭氏曰扶當為蟠影形奢大也皆非也五星俱有逆行何止熒惑太白豈有太平無逆行之理日食為朔月食為望豈有日月不食朔望之理如冬夏至適當午正初刻則晷無長短其餘各有長短乃時差之數也與寒燠邪正何關

春秋二百四十二年日食三十六前漢二百一十二年日食五十三其間二百九十三年史傳止書日食者凡七蓋戰國擾攘秦兼天下史失其官不書於冊也自貞

定王二十六年至赧王十四年六書食而無月日秦莊襄三年書四月食而無日以法推之其食多不合置之可也

秦始皇采齊人鄒衍論終始五德之運以為周得火德秦代周從所不勝定為水德以十月為歲首朝賀皆自十月朔色尚黑數以六為紀法尚刻以為合五德之數仍用顓帝曆然每遇閏年則閏九月謂之後九月秦年雖用十月為首而時序則從夏令觀史所書曰元年冬

十月蓋年前十月也夫曰歲首者取陽生之義也冬至
建子一陽生得天統蔡邕曰冬至陽氣起君道長故賀
夏至陰氣起君道衰故不賀若十二月建丑二陽生得
地統正月建寅三陽生得人統皆陽月也故三代遞用
之十月建亥乃純陰之月而秦用為正其於三統之義
奚取焉閏以歸餘何月不可閏而俱附之九月尤屬悖
謬

秦王子嬰初立即漢元年十月五星聚于東井孟康曰

歲星先至四星從歲星也魏高允校漢歷謂太白辰星
常附日而行十月日在尾箕昏沒於申南而東井方出
於寅北二里何得背日而行高允之言是也

古今律厯考卷九

欽定四庫全書

古今律歷考卷十

明 邢雲路 撰

歷代二

歷代考

史記律書

史云六律為萬事根本而於兵械尤所重卒歸於漢文
之無議軍天下和樂言律本也又言律歷通五行八正
之氣不周風居西北東東壁又東營室至危十月也律

中應鐘其於十二子為亥廣莫風居北方東至虛至須

女十一月律中黃鐘其於十二子為子十母為壬癸東

至牽牛至建星

在斗

十二月律中大呂其於十二子為丑

條風居東北南至箕為正月泰族為寅南至尾至心至

房明庶風居東方二月夾鐘為卯為甲乙南至氐至亢

至角三月姑洗辰清明風居東南南維西至軫至翼四月

仲呂已西至七星西至張

星在張西史誤

至注

味也柳鳥味西近鬼

五月

蕤賓景風居南午丙丁西至弧狼

在井

涼風居西南維六

月林鐘未北至伐參

皆在參上

七月夷則申北至濁

濁謂之畢

至留

留即

八

月南呂酉閭闔風居西方庚辛北至胃至婁至奎九月無射戌各

有名義焉皆古法也數則黃鐘既云八十一為宮又云八寸七分為

宮既又云九寸為黃鐘之宮何自相悖也不知黃鐘之九寸乃九

分之寸也九九八十一之九寸為是而八寸七分之說為非黃鐘

且然它可知矣其損益相生法數正變之實詳見別簡

史記歷書

按史記歷書云在古歷作於孟春鷄三號鳴

三號鳴寅時也謂黃

帝調歷以前有上元太初歷等皆以寅為正及顯
項夏后氏亦然惟黃帝及殷周魯歷並以子為正秦用

亥正漢興張蒼等雖明習歷論著不成今改夏正其更

以元封七年為太初元年年名焉逢甲攝提格寅月名

畢聚日得甲子十一月夜半朔旦冬至謂以夜半為旦正北十

二無大餘無小餘無大餘無小餘焉逢攝提格太初元

年十二大餘五十四小餘三百四十八大餘五小餘八

何也太史公謂月名畢聚畢甲聚子甲子月也日得甲

子十一月甲子日夜半甲子時冬至子日為冬至故云

正北子位北也謂每歲行周天全度外餘四分度之一以十二辰分之則子年在子丑年在卯寅年在午卯年在酉也十二者歲有十二月若有閏則云十三也無大餘無小餘者甲子朔旦冬至滿甲子除盡朔旦以前無奇日分故無朔之大小餘也又云無大餘無小餘者謂冬至與朔同日時亦無奇日分故無氣之大小餘也曰焉逢攝提格太初元年大餘五十四者甲寅至乙卯十二月每月二十九日共三百四十八日日下餘分每年

盈六日共合三百五十四日故云大餘五十四小餘三百四十八者每月二十九日下餘分四百九十九以歲十二乘之以日法九百四十而一盈六日餘三百四十八故每歲加小餘三百四十八為朔之餘也曰大餘五小餘八者以三十二歲之積日一萬一千六百八十八以日法三十二而一得三百六十五日○八滿甲子去之餘五故曰大餘五餘八故曰小餘八為氣之餘也後倣此如端蒙單閼為太初二年乙卯歲大餘四十八小

餘六百九十六者每歲大餘五十四倍之為一百八滿
甲子去之餘四十八每歲小餘三百四十八倍之為六
百九十六為朔之餘也大餘十小餘十六者每歲大餘
五倍之為十每歲小餘八倍之為十六為氣之餘也
如游兆執徐為太初三年丙辰歲大餘十二小餘
六百三者謂丙辰前乙卯歲月十三有閏大餘於四十
八內應加二十三共為七十一小餘每年三百四十八
因有閏加四百九十九為八百四十七以加於六百九

十六內共為一千五百四十三滿法九百四十收之盈
一日加於大餘七十一內為七十二日滿甲子去之餘
十二日仍餘六百三為小餘故曰大餘十二小餘六百
三為朔之餘也大餘十五小餘二十四者大餘十加五
為十五小餘十六加八為二十四為氣之餘也以步氣
甲寅至丁巳凡四年小餘每年二十五刻四年積百刻
成一日故太初四年彊梧大荒落丁巳歲無小餘甲寅
至丙子凡二十三年置歲餘五日二十五刻以積年二

十三乘之得一百二十日七十五刻滿甲子去之無大
餘仍餘七十五刻以日法三十二因之得二十四為小
餘故昭帝始元五年距太初元年積二十三年游兆困
敦丙子歲無大餘小餘二十四以斯步至元帝建始四
年祝犂大荒落之己巳歲莫不皆然此史記步歷之大
較也以授時推太初元年丁丑歲十一月壬子定朔分
二十九日七十二刻得癸巳日酉時合朔冬至分五十
七日六十四刻得十一月二十九日辛酉申時冬至史

云甲寅年甲子月甲子日甲子時合朔冬至法推丁丑
年壬子月癸巳日辛酉時合朔丁丑年壬子月辛酉日
丙申時冬至固非至朔同日亦非其年月日時氣既非
子則非正北史云氣朔俱無大小餘法推是月朔大餘
二十九小餘七十二二十九日氣大餘五十七小餘六
十四史云四年無大餘二十三年無小餘者以斗分之
四分所累皆非也或解之曰史遷所謂以元封七年為
太初元年者謂七年十一月朔旦冬至無餘分如上古

甲寅年甲子月朔旦冬至為起曆之元非謂七年即甲寅也其以太初天漢太始征和以至六十年後建始各年號分配年名之下乃後人以此曆譜附入太史公曆述內非太史公自注也不然太史出於武帝時安能預知六十年後年號而先書於曆述年名之下哉此必後人增益之無疑也斯言誠是矣然漢太初元年十一月朔非子時氣非朔日非至朔同日無餘分以此為得上元則何以解焉班固志太初元年歲在丙子天正後丁

且今以史漢歷年附註於後

史記 漢書

焉逢攝提格太初元年甲寅 丁丑

端蒙單闕二年 乙卯 戊寅

游兆執徐三年 丙辰 己卯

彊梧大荒落四年 丁巳 庚辰

徒維敦牂天漢元年戊午 辛巳

祝犁協洽二年 己未 壬午

商橫渚灘三年

庚申

癸未

昭陽作噩四年

辛酉

甲申

橫艾淹茂太始元年

壬戌

乙酉

尚章大淵獻二年

癸亥

丙戌

焉逢困敦三年

甲子

丁亥

端蒙赤奮若四年

乙丑

戊子

游兆攝提格征和元年丙寅

己丑

彊梧單閼三年

丁卯

庚寅

徒維執徐三年

戊辰

辛卯

祝犁大荒落四年

己巳

壬辰

商橫敦牂後元元年

庚午

癸巳

昭陽協洽二年

辛未

甲午

橫艾涖灘始元元年

壬申

乙未

尚章作噩二年

癸酉

丙申

焉逢淹茂三年

甲戌

丁酉

端蒙大淵獻四年

乙亥

戊戌

游兆困敦五年

丙子

己亥

彊梧赤奮若六年

丁丑

庚子

徒維攝提格元鳳元年戊寅

辛丑

祝犁單闕二年

己卯

壬寅

商橫執徐三年

庚辰

癸卯

昭陽大荒落四年

辛巳

甲辰

橫父敦牂五年

壬午

乙巳

尚章協洽六年

癸未

丙午

馬逢湑灘元平元年 甲申 丁未

端蒙作噩本始元年 乙酉 戊申

游兆閹茂二年 丙戌 己酉

彊梧大淵獻三年 丁亥 庚戌

徒維困敦四年 戊子 辛亥

祝犂赤奮若地節元年 己丑 壬子

商橫攝提格二年 庚寅 癸丑

昭陽單闕三年 辛卯 甲寅

橫艾執徐四年

壬辰

乙卯

尚章大荒落元康元年癸巳

丙辰

焉逢敦牂二年

甲午

丁巳

端蒙協洽三年

乙未

戊午

游兆泥灘四年

丙申

己未

彊梧作噩神雀元年

丁酉

庚申

徒維淹茂二年

戊戌

辛酉

祝犁大淵獻三年

己亥

壬戌

商橫困敦四年

庚子

癸亥

昭陽赤奮若五鳳元年辛丑

甲子

橫父攝提格二年

壬寅

乙丑

尚章單闕三年

癸卯

丙寅

焉逢執徐四年

甲辰

丁卯

端蒙大荒落甘露元年乙巳

戊辰

游兆敦牂二年

丙午

己巳

彊梧協洽三年

丁未

庚午

徒維涪灘四年

戊申

辛未

祝犂作噩黃龍元年

己酉

壬申

商橫淹茂初元元年

庚戌

癸酉

昭陽大淵獻二年

辛亥

甲戌

橫艾困敦三年

壬子

乙亥

尚章赤奮若四年

癸丑

丙子

焉逢攝提格五年

甲寅

丁丑

端蒙單閼永光元年

乙卯

戊寅

游兆執徐二年

丙辰

己卯

彊梧大荒落三年

丁巳

庚辰

徒維敦牂四年

戊午

辛巳

祝犁協洽五年

己未

壬午

商橫泥灘建昭元年

庚申

癸未

昭陽作噩二年

辛酉

甲申

橫艾閭茂三年

壬戌

乙酉

尚章大淵獻四年

癸亥

丙戌

焉逢困敦五年

甲子

丁亥

端蒙赤奮若竟寧元年乙丑

戊子

游兆攝提格建始元年丙寅

己丑

彊梧單闕二年

丁卯

庚寅

徒維執徐三年

戊辰

辛卯

祝犁大荒落四年

己巳

壬辰

史記天官書云杓攜龍角衡殷南斗魁枕參首用昏建者杓夜半建者衡平旦建者魁斗為帝車運于中央臨

制四鄉分陰陽建四時均五行移節度定諸紀皆繫於斗大角者其西旁各有三星鼎足句之曰攝提攝提者直斗杓所指以建時節故曰攝提格註云龍角東方宿為天三門攜連殷中也杓北斗之第七星衡第五星魁第一星言昏建用杓指寅夜半建用衡指寅平旦建用魁指寅也帝車乃太帝乘車無所不紀句曲提攜也夫曰斗杓攜龍角直攝提以建時節而寅月之昏杓指寅方若以為定焉者以故日官定為斗分斗厯歷代因之

多失其真不知昏杓指寅漢世則然嗣後天星漸移十二辰昏之杓皆可指非一定也

又云織女天女孫也察日月之行以揆歲星順逆註謂晉灼云太歲在四仲則歲行三宿太歲在四孟四季則歲行二宿二八十六三四十二而行二十八宿十二歲而周天考周天宿井多至三十三度觜少不及一度歲星之歲行三度二度豈能盡合以故史記步五緯之率奇零悉差

史記封禪書云黃帝得寶鼎神策是歲己酉朔旦冬至
得天之紀終而復始於是黃帝迎日推策後率二十歲
復朔旦冬至凡二十推三百八十年黃帝僊登于天今
上戊辰年得寶鼎其冬辛巳朔旦冬至與黃帝時等是
日昧爽天子乃郊拜太乙壇其贊饗曰天始以寶鼎神
策授皇帝朔而又朔終而復始皇帝敬拜見焉而衣上
黃公卿言皇帝郊見是夜有美光及晝黃氣上燭天太
史公祠官寬舒等曰神靈之休福祐兆祥宜因此地光

域立大時壇三歲天子一郊見其秋伐南越告太乙畫
幡日月北斗登龍以象天一三星為大一鋒命曰靈旗
為兵禱則太史奉以指所伐國次年南越平審如是則
氣朔分齊莫神斯日兵家之勝算協帝之靈筭也然以
法步元鼎五年己巳歲十一月定朔分一十五日八十
刻得己卯日戌時合朔冬至分一十五日五十五刻得
己卯日未時冬至氣朔同日乃己卯日其辛巳則月三
日非冬至亦非朔也漢厯止用一斗分步平朔而盈縮

遲疾俱無所以晦朔常差二日此之類也漢厯云先藉
半日名陽厯不藉名陰厯陽厯先朔月生陰厯朔後月
生今以初三為朔是朔日月真可生矣彼昏不知則實
併至與朔而同步之三日也吁嗟步厯之外亡論已獨
奈何漢武以此事天感黃氣之祥協平蠻之吉然則太
乙之神非至朔同日亦可降祥而南旗之指即用月三
日亦能效靈乎則不可得而解矣

古今律厯考卷十

欽定四庫全書

子部

古今律歷考卷十二

詳校官欽天監博士

臣張天樞

靈臺郎

臣倪廷梅覆勘

總校官知縣

臣楊懋珩

校對官

官靈臺郎臣陳際新

謄錄監生

臣許溶

欽定四庫全書

古今律歷考卷十一

明 邢雲路 撰

歷代三

歷代考

前漢律歷志

虞書云同律度量衡所以齊遠近立民信也自伏羲畫八卦卦由數起數紀於一協於十長於百大於千衍於萬書曰先其祿命本起於黃鐘之數始於一而三之三三積之

歷十二辰之數十有七萬七千一百四十七而五數備矣
其數以大衍之數五十其用四十有九成陽六爻得周流
六虛之象天之中數五為聲地之中數六為律陽唱陰和
始於子黃鐘終於亥應鐘黃鐘子為天統林鐘丑為地統
太簇寅為人統以黃鐘九寸之數應八十一章為黃鐘之
實以林鐘六寸之數當期之日為林鐘之實以太簇八寸
之數應六十四卦為太簇之實由是三統相通周流六虛
列為十二而律呂和以審度嘉量權衡探賾索隱鉤深致

遠莫不用焉此律歷之大較也然謂以律配歷則可而謂以律起歷歷數之分秒悉生於律則不可詳見別簡

漢興張蒼用顓頊歷朔晦月見弦望滿虧多非是至武帝元封七年漢興百二歲矣太史令司馬遷等言歷紀廢壞宜改正朔詔曰黃帝合而不死上矣其以七年為元年復得前歷上元泰初四千六百一十七歲闕逢攝提格之歲中冬十一月甲子朔旦冬至日月在建星乃選治歷鄧平等唐都落下闕與焉都分天部而闕運筭

轉厯其法以律起厯與鄧平所治同法一月之日二十九日八十一分日之四十三先藉半日名曰陽厯不藉名曰陰厯所謂陽厯者先朔月生陰厯者朔而後月廼生平曰陽厯朔皆先日月生以朝諸侯王羣臣便官者淳于陵渠覆太初厯晦朔弦望皆最密日月如合璧五星如連珠遂用鄧平厯後元鳳三年張壽王爭之以元鳳三年十一月朔旦冬至起雜候課疏密治太初第一是非堅定至孝成世劉向子歆作三統厯究其微渺以

說春秋推法密要故述焉傳曰元善之長也共養三德
為善三統合於一元故因元一而九三之以為法十一
三之以為實實如法得一黃鐘初九律之首陽之變也
因而六之以九為法得林鐘初六呂之首陰之變也皆
參天兩地之法也上生六而倍之下生六而損之皆以
九為法九六陰陽夫婦子母之道也律娶妻而呂生子
天地之情也夫五六者天地之中和而民所受以生也
故日有六甲辰有五子十一而天地之道畢言終而復

始太極中央為黃鐘九九自乘八十一為日法為元元
一也春秋二也三統三也四時四也合而為十成五體
以五乘十大衍之數也而道據其一其餘四十九所當
用也故著以為數以象兩兩之又以象三三之又以象
四四之又歸奇象閏十九及所據一加之因以再扞兩
之是為月法之實如日法得一則一月之日數也三辰
交會是以能生吉凶成變化而行鬼神也并終數為十
九易窮則變故為閏法參天九兩地十是為會數參天

數二十五兩地數三十是為朔望之會以會數乘之則
周於朔旦冬至是為會月九會而復元此聖王之重閏
也以五位乘會數而朔旦冬至是為章月四分月法以
其一乘章月是為中法參閏法為周至以乘月法以減
中法而約之則六朞之數為一月之閏月其餘七分此
中月相求之術也朔不得中是為閏月言陰陽雖交不
得中不生故日法乘閏法是為統歲三統是為元歲元
歲之閏陰陽災三統閏法易九疋曰初入元百六陽九

次三百七十四陰九次四百八十陽九次七百二十陰
七次七百二十陽七次六百陰五次六百陽五次四百
八十陰三次四百八十陽三凡四千六百一十七歲與
一元終經歲四千五百六十災歲五十七是以春秋曰
舉正於中又曰閏月不告朔非禮也閏以正時故魯僖
五年春王正月辛亥朔日南至公既視朔遂登觀臺以
望而書禮也至昭二十年二月己丑日南至失閏至在
非其月梓慎望氛氣而弗正不履端於始也傳曰天有

三辰地有五行故三辰合於三統日合於天統月合於地統斗合於人統五星合於五行故歷數三統天以甲子地以甲辰人以甲申三微之統既著而五行自青始其序亦如之陰陽比類交錯相成故九六之變登降於六體三微而成著三著而成象二象十有八變而成卦四營而成易為七十二參三統兩四時相乘之數也參之則得乾之策兩之則得坤之策以陽九九之為六百四十八以陰六六之為四百三十二凡一千八十陰陽

各一卦之微筭策也。八之為八千六百四十而八卦小
成引而信之又八之為六萬九千一百二十。天地再之
為十三萬八千二百四十。然後大成五星會終觸類而
長之以乘章歲為二百六十二萬六千五百六十。而與
日月會三會為七百八十七萬九千六百八十。而與三
統會三統二千三百六十三萬九千四十。而復於太極
上元九章歲而六之為法。太極上元為實實如法得一
一陰一陽各萬一千五百二十。當萬物氣體之數。天下

之能事畢矣此前漢歷之大較也詳其說謂黃帝合而不死合作也作歷得仙故不死曰復得上元四十六百一十七歲閼逢攝提之甲寅者謂是年復如上古甲寅朔旦冬至如後所謂二十七章之月得朔旦冬至與歲復之說非謂太初元年即甲寅蓋是年乃丁丑也上元至太初元年為一元凡四千六百一十七歲乃劉攽註云十七歲當作十一歲非是中冬十一月朔旦冬至日月在建星者建在斗太初冬至在斗故云法以律起歷

者乃黃鐘一脩長九寸寸九分以分乘寸積八十一數
為日法也曰一月之日二十九日八十一分日之四十
三者以日法八十一歸四十三得五十三刻○八六四
以加於大餘下共二十九日五十三刻八分六十四秒
為一月之日即今月策也先藉半日名陽厯先朔月生
者未朔月先出西方也不藉名陰厯朔後月廼生者朔
後月方出西方也鄧平告君先朔月生以朝賀為便重
陽為吉也元一而九三之以為法者自子一而後九辰

至酉十以三統累乘之是謂九三之法得積萬九千六百八十三也十一三之以為實者自一而後十一辰至寅十二每以三累乘之是謂十一三之法得積十七萬七千一百四十七也實如法得一者以法除實為九寸之黃鐘也黃鐘六之以九為法者六九五十四得林鐘五十四也參天兩地者三三而九二三而六參兩之義也上生六而倍之下生六而損之者三分損益其一也律娶妻黃鐘陽娶林鐘陰呂生子林鐘陰生太簇陽也

日有六甲甲子甲寅甲辰甲午甲申甲戌也辰有五子
甲子丙子戊子庚子壬子惟甲寅旬中無子故止五子
也以五乘十得五十為大衍之數道據其一為太極虛
一不用也止用四十有九以象兩儀兩之得九十八以
象三才三之得二百九十四以象四時四之得一千一
百七十六以歸奇象閏十九及所據一之太極共二十
加之得一千一百九十六又以五歲再閏再劫兩之得
二千三百九十二是為月法之實乃推大衍象得月法

也如日法八十一得一為二十九日五十三刻八分六十四秒即前二十九日八十一分日之四十三所得之月策也并數終為十九蓋天數終九地數終十并數十九為歸奇之閏法又名章歲也參天九三九二十七兩地十二十合四十七為會數參天數二十五得七十五兩地數三十得六十合一百三十五為朔望之會以會數乘朔望之會得六千三百四十五是為會月乃二十七章之月數得朔旦冬至日與歲復也九會而復元者

以九乘會月即三因統月得五萬七千一百五為元月
謂四千六百一十七歲之月數積一百六十八萬六千
三百六十日復得甲子朔旦冬至也以五位乘會數得
二百三十五而朔旦冬至為章月四分月法得五百九
十八為通法以通法乘章月得一十四萬五百三十為
中法以三乘閏法得五十七為周至即三章之歲也以
周至三乘月法得一十三萬六千三百四十四以減中
法餘四千一百八十六是為一象之閏以統法而一得

二日七十一刻九十九分○七不盡是六氣六劫三月
之閏其餘七分不盡再以三而一六劫之數得九十○
刻六十六分為一月之閏也以章月乘月法得五十六
萬二千一百二十為周天即今歲實以三統乘四時得
十二為歲中以章月加閏法得二百五十四為月周以
三因會月得一萬九千三十五為統月以閏法乘歲中
得二百二十八為章中以日法乘章中得一萬八千四
百六十八為統中以三因統中得五萬五千四百四為

元中以十乘元中得五十五萬四千四十以減周天餘
八千八十為策餘以日法乘閏法得一十五百三十九
為統法即統歲以三乘統法得四千六百一十七為元
法即元歲也元歲之閏陰陽災蓋以三統乘閏法得五
十七為災歲初入元百六歲有厄者前元之餘氣也以
陰九三百七十四減陽九四百八十為百六為陽九次
以陽九百六減陽九四百八十為三百七十四為陰九
次六八四百八為陽九次九八七百二為陰七次九八

七百二為陽七次七八五百六十八六百四合一千二百易爻七八不變通其數各六百故曰次六百陰五次六百陽五次六八相乘為四百八為陰三又次陽三自百六次至四百八十凡四千六百一十七陽旱災陰水災經歲四千五百六十合災歲五十七與一元終由丁丑遡元歲四千六百一十七歲謂為得辛巳歲也三統天以甲子地以甲辰人以甲申自甲子步歷年得三統元旦之朔日也三微一爻三著三爻二象六爻揲筮之

法也參三統得九兩四時得八八九相乘得七十二為
乾坤中數三之二百一十六得乾之策兩之一百四十
四得坤之策以陽九爻九之為六百四十八以陰六爻
六之得四百三十二併之凡一千八十以八卦八之為
八千六百四十又八之為六萬九千一百二十以天地
倍數再之為十三萬八千二百四十以乘章歲之十九
為二百六十二萬六千五百六十以三會三之為七百
八十七萬九千六百八十以三統三之為二千三百六

十三萬九千四十而復會於太極上元以九章之歲一百七十一而六因之得一千二十六以除上元餘二萬三千四十為陰陽合數半之各萬一千五百二十為當萬物之數若皆符合矣然率多大謬不然者何也漢以四分度之一為斗分天數與日數齊而日無盈縮月無遲疾止用一平朔步歷其上推上古朔旦冬至皆逆推得數非其真也以下步即疎上可知已黃鐘之八十一自黃鐘之數耳於厯何關蓋漢以八十一乘諸數而仍

以八十一歸之諸數皆一轍也以步晦朔常差一二日
及見朔旦月出西方乃謬謂先藉半日名陽厯以為朝
賀吉豈知是日為月三日也不直自欺且欺君矣張壽
王雖不知厯然爭之則是其推大衍謂以象厯則可謂
厯之分秒出於大衍則不可率以大衍諸數碎砌其中
以得月策二十九日五十三刻八分六十四秒使斯數
果從大衍出也則易數通神可垂永久而奈何一亡效
耶豈知月策之數是以交蝕取之非從大衍來也章月

乃十九年二百二十八月及閏七月共二百三十五月
豈五因會數所得通法即弦策中法即象限歲中即十
二月會月是二十七章統月是八十一章之月元月是
二百四十三章之月章中是十九章無閏之月統中是
八十一章無閏之月元中是二百四十三章無閏之月
統法是八十一章之年數元法是每歲十二月共五萬
七千一百五月加閏一千七百一月積一百六十八萬
六千三百五十九日二十五刻之數周天以測影取會

數朔望之會與天地數不相蒙策餘是五日四分日之一以朔除氣為月閏何必用三章歲之周至乃漢歷不知皆以大衍數穿鑿附會之亦徒勞矣若夫陽九百六之年三統之歷以至復會上元之策皆非的數何則歷家布上元各不同以此知非的也考僖公五年丙寅冬至辛亥一十四刻閏餘二十七日九十七刻是月三十日辛亥日南至二月壬子日合朔非正月辛亥朔旦日南至蓋春秋時誤閏十二月遂以正月為閏十二月以

正月三十之辛亥日南至誤推後天一日為閏月後正月朔之辛亥日南至乃以二月朔壬子推為正月二日皆非也夫至既非朔矣僖公望雲於禮何居昭公二十年己卯歲冬至戊子八十三刻閏餘二十七日八十三刻經朔五十六日九十九刻是正月庚申日合朔越二十九日戊子日南至二月朔日己丑春秋誤步固以尚未置閏之故梓慎之言是也詳見春秋考中大都漢歷天日同周氣朔無盈縮遲疾但以日法歸周天得六千

九百三十九日七五三〇八六四二為積日章歲而一
得歲實章月而一得月策統月除周天亦得月策以步
交轉日法乘月周得二萬五百七十四以歸周天得二
十七日三二為交終轉終疎略殊甚則何怪乎亡一之
合計推上元歲起甲戌日起甲子積一十四萬三千一
百二十七筭以四千六百一十七為一元計三十一元
以一千五百三十九分日之三百八十五為歲餘以八
十一分日之四十三為朔餘推是歲丁丑十一月甲子

朔夜半冬至詳其法太初元年距上元十四萬三千一百二十七筭積八百四億五千四百五十四萬九千二百四十以統法一千五百三十九而一得五千二百二十七萬七千一百六十日以紀法去之無餘分置前積數以月法二十三萬九千二百六十二除之餘三千三百六十三萬四千八百四十五為月數以閏法十九而一得一百七十七萬二百二十五月無餘分故曰十一月甲子夜半冬至以授時法推太初元年距元辛巳積一千三百

八十五年積日五十萬五千四百九十七日四十一刻
以減氣應餘以紀法去之餘二日三十五刻九十三分
以減紀法餘五十七日六十四刻命甲子算外得辛酉
日六十四刻是十一月二十九日申時冬至太初後天
二日有餘授時閏餘二十七日四十七刻經朔三十日
一十六刻十一月朔甲午步至次月朔甲子然非冬至
也太初既非至朔同日又非其月日時一謬百謬則上
以步文王四十二年十二月朔旦冬至以來下至元帝

初元二年十一月癸亥朔旦諸冬至無一之不差也又以太初校授時辛巳置周天五十六萬二千一百二十以距積年乘之得七億七千七百九十七萬四千八十以統法一千五百三十九而一得五十萬五千五百六日二十二刻四十八分以紀法去之餘六日二十二刻四十八分命甲子算外得庚午日二十二刻冬至太初校授時己未六刻後天一十一日一十六刻四十八分以太初校授時經朔閏餘二十六日四十二刻五十七

分以冬至六十六日二二四八減之餘三十九日七十分乃太初後天四日九十四刻四十分夫氣至差一十一日朔至差五日有數在焉鄧平劉歆其何說之辭

三統五星曆

按太初元年推木星統母以木三金四相乘為十二是為歲星小周小周乘坤字策一百四十四為一千七百

二十八是為歲星歲數以歲中十二

即一歲十二月

乘歲數得

二萬七百三十六為見中分以星行率一百四十五減

歲數餘一千五百八十三為見中法

即星見數

以見中法除

見中分得十三為積中餘一百五十七為中餘以歲閏

七

即十九年七閏

因歲數得一萬二千九十六為見閏分以章

歲十九乘中餘得二千九百八十三併見閏分得一萬

五千七十九為月餘以章歲十九乘見中法得三萬七

十七為見月法以元法四十六百一十七乘見中法得

七百三十萬八千七百一十一為見中日法以統法一

千五百三十九乘見中法得二百四十三萬六千二百三十七為見月日法積中即積月十三

如是月餘滿見月法收之併積

月
下

推金星以金四火二相乘為八又以火二乘之為十六而小復小復十六乘乾策二百一十六為三千四百五十六是為太白歲數以歲中乘歲數得四萬一千四百七十二為見中分以星行率一千二百九十五減歲數餘二千一百六十一為見中法以見中法除見中分得

十九為積中餘四百一十三為中餘以歲閏因歲數得
二萬四十一百九十二為見閏分以章歲乘中餘得七
千八百四十七併見閏分得三萬二千三十九為月餘
以章歲乘見中法得四萬一千五十九為見月法以晨
為東數九乘歲數得三萬一千一百四并東九西七十
六為法而一得一千九百四十四為金星晨見歲數以
歲中十二乘之得二萬三千三百二十八為晨中分以
見中法除晨中分得十為晨積中餘一千七百一十八

為晨中餘以晨中分減見中分餘一萬八千一百四十
四為夕中分以見中法除夕中分得八為夕積中餘八
百五十六為夕中餘以歲周因晨見歲數得一萬三千
六百八為晨閏分以章歲乘晨中餘得三萬二千六百
四十二併晨閏分得四萬六千二百五十以見月法取
之得一加前晨積中得十一為晨積月餘五千一百九
十一為晨月餘以晨閏分減見閏分餘一萬三百八十
四為夕閏分以章歲乘夕中餘得一萬六千二百六十

四併夕閏分得二萬六千八百四十八不滿見月法為
夕月餘夕積中八即積月以元法乘見中法得九百九
十七萬七千三百三十七為見中日法以統法乘見中
法得三百三十二萬五千七百七十九為見月日法

推土星以土五木三相乘為十五合經緯

即倍之

為三十

是為鎮星小周以小周乘坤策為四千三百二十是為
鎮星歲數以歲中乘歲數得五萬一千八百四十為見
中分以星行率一百四十五減歲數餘四千一百七十

五為見中法以見中法除見中分得十二為積中餘一
千七百四十為中餘以歲閏因歲數得三萬二百四十
為見閏分以章歲乘見中法得七萬九千三百二十五
為見月法以章歲乘中餘得三萬三千六十併見閏分
得六萬三千三百不滿見月法即為月餘積月十二即
積中以元法乘見中法得一千九百二十七萬五千九
百七十五為見中日法以統法乘見中法得六百四十
二萬五千三百二十五為見月日法

推火星火經特成故二歲而過初過初者二歲一周天也自火二特成倍之至三十二倍六十四歲而小周以小周乘乾策則太陽大周為一萬三千八百二十四是為熒惑歲數以歲中乘歲數得一十六萬五千八百八十八為見中分以星行率七千三百五十五減歲數餘六千四百六十九為見中法以見中法取除見中分得二十五為積中餘四千一百六十三為中餘以歲閏因歲數得九萬六千七百六十八為見閏分以章歲乘見

中法得一十二萬二千九百一十一為見月法以章歲
乘中餘得七萬九千九十七併見閏分得一十七萬五
千八百六十五以見月法取之得一加前積中得二十
六為積月餘五萬二千九百五十四為月餘以元法乘
見中法得二千九百八十六萬七千三百七十三為見
中日法以統法乘見中法得九百九十五萬五千七百
九十一為見月日法

推水星水經特成故一歲而及初及初者歲一周天也

自水一特成累加之至六十四而小復以小復乘坤策
則太陰大周為九千二百一十六是為辰星歲數以歲
中乘歲數得一十一萬五百九十二為見中分以見中
法二萬九千四十一除見中分得三為積中餘二萬三
千四百六十九為中餘以歲閏乘歲數得六萬四千五
百一十二為見閏分以章歲乘見中法得五十五萬一
千七百七十九為見月法以章歲乘中餘得四十四萬
五千九百一十一併見閏分得五十一萬四百二十三

為月餘不盈見月法故積月三以東九乘歲數得八萬
二千九百四十四為實以東九西七併之得十六為法
而一得五千一百八十四為晨歲數以歲中乘晨歲數
得六萬二千二百八為晨中分以見中法除晨中分得
二為晨積中餘四千一百二十六為晨中餘以晨中分
減見中分餘四萬八千二百八十四為夕中分以見中
法除夕中分得一為夕積中餘一萬九千三百四十三
為夕中餘以閏法乘晨歲數得三萬六千二百八十八

為晨閏分以章歲乘中餘得七萬八千三百九十四併
晨閏分得一十一萬四千六百八十二不盈見月法為
晨月餘晨積中即晨積月二以晨閏分減見閏分餘二
萬八千二百二十四為夕閏分以積月三月餘五十一
萬四百二十三減晨積月二月餘一十一萬四千六百
八十二餘一為積月月餘三十九萬五千七百四十一
為夕月餘以元法乘見中法得一億三千四百八萬二
千二百九十七為見中日法以統法乘見中法得四千

四百六十九萬四千九十九為見月日法

五勝相乘生小周以乘乾

坤之策為大周如金克木乘為木小周以乘坤策為大周也諸志並有小大周由入元之年不同也

五星行星率乃其日行之數如木星行星三十三度三百三十三萬四千七百三十七分通其率故曰日行千七百二十八分度之百四十五故曰星行率一百四十五是也五星行星率其詳見前漢志中

五星俱以三統三因各五星歲數以周天乘之得積日
以各星見中日法而一得各星周日如木星三因木星

歲數一千七百二十八得五千一百八十四以周天五
十六萬二千一百二十乘之得二十九億一千四百三
萬八十為木星積日以木星見中日法七百三十萬八
千七百一十一而一得木星壹見三百九十八日五百
一十六萬三千一百二分仍以見中日法再除日下五
百一十六萬三千一百二分得七十刻六十四分三一
不盡是為木星周日三百九十八日七十刻六十四分
三十一秒不盡也金土火水四星倣此

木星周日三百九十八日七十刻六十四分三一

金星周日五百八十四日一十二刻九十八分二九

土星周日三百七十七日九十三刻五十四分九七

火星周日七百八十日五十三刻八十分五三

水星周日一百一十五日九十一刻一分

右五星所得見中日法以步星周而設若見月日法則以步月也然步月之法不若徑以月策步之為便見月日法不用可也以太初五星校授時木星每歲少授時

一十七刻三十六分火星多授時六十刻九十分土星
少授時一十五刻六十二分金星多授時二十二刻七
十二分水星多授時三刻四十一分太初五星雖有伏
見遲疾留逆而無盈縮則隨步隨差何以上合天道

大都前漢厯步氣朔步五緯率以大衍五行三統之數
零收碎砌強合天數比至隨步隨差隨差隨厯自厯
天自天失天愈遠而總於大衍五行三統之數無豫也
及查大衍諸數出周易鑿度四分之說乃後人偽為之

漢人援以治厯以致氣朔淆亂數百年不明古議云由漢以來厯太初為第一余議云從古以來厯最疎者太初為第一

古今律厯考卷十一